



DATUM OBJAVE: 19.02.2026. godine

Na osnovu člana 58. Zakona o policijskim službenicima Kantona Sarajevo ("Službene novine Kantona Sarajevo," br. 38/18, 26/19 i 39/20), člana 22. u vezi sa članom 23. stav (2) Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21), te člana 3. stav (1) tačka c) Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 14/23), Komisija za izbor daje:

O B A V J E Š T E N J E

Obavještavaju se kandidati koji su u proceduri Javnog konkursa za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu "POLICAJAC"- 220 izvršilaca, objavljenom dana 30.09.2025. godine, ostvarili eliminacioni prag na Testu opšteg znanja i Testu fizičke sposobnosti, da je Komisija za izbor izvršila bodovanje kandidata koji ispunjavaju uslove za dodatno bodovanje, te utvrdila rezultate kako je to prikazano u **TABELI 1. - Spisak kandidata rangiranih prema ostvarenim rezultatima, a koji su stekli uslove za pristupanje lječarskom pregledu.**

Kandidati (ukupno 134) pobrojani u TABELI 1. upućuju se na lječarski pregled u JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo, sa sjedištem na adresi Alije Isakovića br. 3, Sarajevo, u vremenu i po grupama kandidata, odnosno prema rasporedu prikazanom u TABELI 2.

Prije lječarskog pregleda, kandidatima će se utvrditi identitet, te su dužni sa sobom imati ličnu kartu ili drugi važeći identifikacioni dokument sa fotografijom. Kandidati će od strane ovlaštenog uposlenika Zavoda i ovlaštenog predstavnika Komisije za izbor dobiti dalje upute o provođenju lječarskog pregleda.

Utvrđivanje zdravstvene sposobnosti provodit će se prema odredbama Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 14/23), te prema Metodologiji lječarskog pregleda kandidata za popunu upražnjenih radnih mjesta policijskih službenika u početnom činu "policajac" br. 33-1-1082/25 od 11.09.2025. godine, objavljenoj na oglasnoj ploči i na internet stranici Ministarstva prilikom objave Javnog konkursa dana 30.09.2025. godine.

Shodno Metodologiji lječarskog pregleda kandidata za popunu upražnjenih radnih mjesta policijskih službenika u početnom činu "policajac", lječarski pregled će obuhvatiti opštu i posebnu zdravstvenu sposobnost kandidata.

U skladu sa Metodologijom, **kandidati su prilikom provođenja ljekarskog pregleda dužni sa sobom donijeti Potvrdu javne zdravstvene ustanove u kojoj kandidat ima otvoren zdravstveni karton, a koju će izdati izabrani ljekar primarne zdravstvene zaštite, te na osnovu koje će se utvrditi porodična i lična anamneza.** Obrazac navedene potvrde objavljen je kao prilog Metodologije (Prilog 2), s tim da Komisija za izbor isti objavljuje ponovo u prilogu ovog Obavještenja.

Kandidati snose troškove ljekarskog pregleda.

Kandidati koji pristupe ljekarskom pregledu dužni su potpisati izjavu kojom će dati saglasnost da Zavod za zdravstvenu zaštitu zaposlenika Ministarstva unutrašnjih poslova Kantona Sarajevo obrađuje njihove lične podatke dok za to postoje objektivni razlozi. Prilikom pristupanja ljekarskom pregledu kandidatima će biti dostupna izjava koju su dužni popunjenu i potpisanu predati medicinskom osoblju nakon čega pristupaju proceduri provjere zdravstvene sposobnosti.

Opšta i posebna zdravstvena sposobnost za kandidate koji su ostvarili najveći broj bodova u proceduri zapošljavanja i upućivanja na osnovnu obuku za kadete, utvrđuje se ocjenom „sposoban za obavljanje poslova policijskog službenika” ili „nesposoban za obavljanje poslova policijskog službenika”. JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo će obavijestiti kandidate o ocjeni opšte i posebne zdravstvene sposobnosti.

Nepristupanje ili kašnjenje kandidata iz bilo kojeg razloga zakazanom terminu ljekarskog pregleda smatra se kao odustanak kandidata od podnesene prijave na javni konkurs. Također, iz daljeg postupka će biti isključen kandidat koji se ne pridržava uputa Komisije za izbor i ljekarske komisije prilikom provođenja ljekarskog pregleda i svojim ponašanjem ometa provođenje istog. Prilikom dolaska na ljekarski pregled, kandidati ne mogu imati pratnju (npr. roditelja, prijatelja, porodice itd.). Prisustvo bilo koje druge osobe tokom pregleda nije dopušteno.

Kandidati koji su stekli pravo pristupa ljekarskom pregledu u danima prije termina određenog za ljekarski pregled, ne smiju koristiti bilo kakve medikamente ili druge supstance koji mogu utjecati na rezultate nalaza krvi (sve vrste sirupa protiv kašlja, hrana sa sastojcima maka i slično), kao i da prilikom ljekarskog pregleda trebaju obavijestiti ljekara o eventualnoj terapiji koja može utjecati na rezultate nalaza krvi. Kandidati na dan ljekarskog pregleda, prije istog ne smiju konzumirati piće i hranu.

Nakon okončanog ljekarskog pregleda kandidata, a ukoliko neki od kandidata ne prođe ljekarski pregled, isti se isključuje iz procesa odabira.

Ocjenu opšte i posebne zdravstvene sposobnosti odnosno **originalno** Ljekarsko uvjerenje o zdravstvenoj sposobnosti, kandidati u proceduri zapošljavanja **dostavljaju Komisiji za izbor Uprave policije najkasnije u roku od 8 (osam) dana od završetka pregleda**, neposredno putem Pisarnice Ministarstva ili putem preporučene pošte u zatvorenoj koverti sa naznakom:

“Uprava policije MUP-a Kantona Sarajevo, ul. La Benevolencije broj 16, 71000 Sarajevo”,
sa naznakom “Komisija za izbor za čin “POLICAJAC” - Ljekarsko uvjerenje - NE OTVARATI”.

Ako kandidat koji se upućuje na ljekarski pregled u proceduri zapošljavanja i upućivanja na osnovnu obuku za kadete ne pristupi ljekarskom pregledu ili ne dostavi potvrdu i/ili ovjereni izvod iz ličnog zdravstvenog kartona koju izdaje izabrani ljekar primarne zdravstvene zaštite ili u ostavljenom roku Komisiji za izbor ne dostavi ljekarsko uvjerenje o zdravstvenoj sposobnosti za obavljanje poslova i zadataka policijskog službenika, Komisija za izbor Uprave policije isključuje takvog kandidata iz dalje procedure zapošljavanja i upućivanja na osnovnu obuku za kadete.

Žalba na ovu obavijest nije propisana Zakonom o policijskim službenicima Kantona Sarajevo

("Službene novine Kantona Sarajevo" broj: 38/18, 26/19 i 39/20) i Pravilnikom o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21).

KOMISIJA ZA IZBOR